



IONSTRAIMÍ REACHTÚLA.

I.R. Uimh. 428 de 2024

NA RIALACHÁIN FÁN ACHT UM CHÁILÍOCHTAÍ AGUS DEARBHÚ
CÁILÍOCHTA (OIDEACHAS AGUS OILIÚINT), 2012 (MUIREAR
BLIANTÚIL FOGHLAIMEOIRÍ CLÁRAITHE A CHOSAINT), 2024

I.R. Uimh. 428 de 2024

NA RIALACHÁIN FÁN ACHT UM CHÁILÍOCHTAÍ AGUS DEARBHÚ
CÁILÍOCHTA (OIDEACHAS AGUS OILIÚINT), 2012 (MUIREAR
BLIANTÚIL FOGHLAIMEOIRÍ CLÁRAITHE A CHOSAINT), 2024

Déanaim, Patrick O'Donovan, Aire Breisoideachais agus Ardoideachais, Taighde, Nuálaíochta agus Eolaíochta, i bhfeidhmiú na gcumhachtaí a thugtar dom le halt 66A (a cuireadh isteach le halt 31 den Acht um Cháilíochtaí agus Dearbhú Cáilíochta (Oideachas agus Oiliúint) (Leasú), 2019 (Uimh. 32 de 2019) den Acht um Cháilíochtaí agus Dearbhú Cáilíochta (Oideachas agus Oiliúint), 2012 (Uimh. 28 de 2012) (arna oiriúnú leis an mBreisoideachas agus leis an Ardoideachas, An tOrdú um Thaighde, Nuálaíocht agus Eolaíocht (Riarachán Roinne agus Feidhmeanna Aire a Aistriú), 2020 (I.R. Uimh. 451 de 2020)), na rialacháin seo a leanas:

1. (1) Na Rialacháin fán Acht um Cháilíochtaí agus Dearbhú Cáilíochta (Oideachas agus Oiliúint), 2012 (Muirear Bliantúil Foghlaimeoirí Rollaithe a Chosaint), 2024, is teideal do na Rialacháin seo.

(2) Tiocfaidh na Rialacháin seo i ngníomh an 1 Meán Fómhair 2024.

2. Sna Rialacháin seo:

ciallaíonn "An tAcht" an tAcht um Cháilíochtaí agus Dearbhú Cáilíochta (Oideachas agus Oiliúint), 2012 (Uimh. 28 de 2012);

ciallaíonn "foghlaimeoirí inmhuirearaithe", i ndáil le clár de chuid soláthraí faoi oibleagáid, foghlaimeoirí cláraithe ag a bhfuil táillí iníoctha nó íoctha i ndáil leis an gclár sin sa bhliain féilire dar críoch an 31 Nollaig;

ciallaíonn "táillí foghlaimeora inmhuirearaithe", i ndáil le clár de chuid soláthraí faoi oibleagáid, an táille is iníoctha, lena n-áirítear táillí arna n-íoc ag foghlaimeoir inmhuirearaithe i ndáil leis an gclár sin sa bhliain féilire dar críoch an 31 Nollaig, agus in imthosca nach n-íocann gach foghlaimeoir cláraithe an táille chéanna i ndáil le clár de chuid soláthraí faoi oibleagáid, is éard a bheidh sa táille is iníoctha i ndáil leis an gclár sin de chuid soláthraí faoi oibleagáid suim gach ceann de na táillí foghlaimeora inmhuirir a íocadh nó is iníoctha arna roinnt ar líon na bhfoghlaimeoirí inmhuirir;

folóidh "táille is iníoctha" táillí teagaisc, táillí clárúcháin, táillí scrúdaithe, táillí leabharlainne, táillí seirbhísí mac léinn agus táillí eile is iníoctha nó a íocann an foghlaimeoir nó a íoctar thar a cheann leis an soláthraí (nó le haon idirghabhálaí de) i leith rollú ar an gclár iomchuí agus a bhaineann le soláthar oideachais, oiliúna agus seirbhísí gaolmhara;

is é "dáta dliteanais", i ndáil le clár i mbliain áirithe, an dáta is luaithe de dháta tosaithe an tsoláthair ag soláthraí faoi oibleagáid an chlár lena mbaineann agus an dáta a ghlacfaidh an soláthraí faoi oibleagáid íocaíocht den chéad uair ag aon fhoghlaimeoir nó thar ceann aon fhoghlaimeoirí lena rollú ar an gclár sin, mura mbeidh dáta is déanaí faoi alt 65(3) den Acht cinnte ag an Údarás, sa chás sin is é an dáta is déanaí sin an dáta dliteanais;

ciallaíonn "clár oideachais béarla faoi oibleagáid" clár oideachais Béarla arna sholáthar ag soláthraí faoi oibleagáid;

ciallaíonn "clár breisoideachais agus oiliúna faoi oibleagáid" clár breisoideachais agus oiliúna arna sholáthar ag soláthraí faoi oibleagáid;

ciallaíonn "clár ardoideachais agus oiliúna faoi oibleagáid" clár ardoideachais agus oiliúna arna sholáthar ag soláthraí faoi oibleagáid;

tá le "soláthraí faoi oibleagáid" an bhrí céanna atá leis in Alt 65 den Acht.

3. Ní bheidh feidhm ag na Rialacháin seo maidir le soláthraí cláir oideachais agus oiliúna a liostaítear in Alt 65(6) den Acht;

4. Déanfar an muirear bliantúil is iníoctha i ndáil le gach clár breisoideachais agus oiliúna faoi oibleagáid a ríomh i gcomhréir le haicme gach cláir mar seo a leanas:

(1) Déanfar cláir a aicmiú de réir líon na bhfoghlaimoirí innhuirearaithe i leith an chláir, i mbandaí 5 agus in incrimintí 5, agus is é an t-ainmneoir innhuirearaithe aicme foghlaimora an teorainn innhuirearaithe foghlaimora don aicme sin, ionas gur aicme 5 a bheidh i gcláir ina mbeidh foghlaimoir innhuirearaithe amháin go 5, is iad na cláir le 6 go 10 aicme 10, agus mar sin de sna comhréireanna céanna;

(2) Déanfar cláir a aicmiú freisin de réir líon na dtáillí innhuirir foghlaimora i leith an chláir, i mbandaí €250 agus incrimintí €250, agus is é an t-ainmneoir innhuirir d'aicme táille foghlaimora an teorainn táille foghlaimora innhuirir don aicme sin ionas gur aicme €250 a bheidh i gcláir le €1 go €250 innhuirir d'fhoghlaimoirí, €500 a bheidh i gcláir le €251 go €500, agus mar sin de sna comhréireanna céanna;

(3) Déanfar an muirear bliantúil iomlán is iníoctha i leith gach aicme cláir a ríomh tríd an ainmneoir aicme foghlaimora innhuirir a iolrú ar an ainmneoir aicme táille foghlaimora innhuirir, agus an toradh a roinnt ar 50.

5. Déanfar an muirear bliantúil is iníoctha i ndáil le gach clár ardoideachais agus oiliúna faoi oibleagáid a ríomh i gcomhréir le haicme gach cláir mar seo a leanas:

(1) Déanfar cláir a aicmiú de réir líon na bhfoghlaimoirí innhuirearaithe i leith an chláir, i mbandaí 5 agus in incrimintí 5, agus is é an t-ainmneoir innhuirearaithe aicme foghlaimora an teorainn innhuirearaithe foghlaimora don aicme sin, ionas gur aicme 5 a bheidh i gcláir ina mbeidh foghlaimoir innhuirearaithe amháin go 5, is iad na cláir le 6 go 10 aicme 10, agus mar sin de sna comhréireanna céanna;

(2) Déanfar cláir a aicmiú freisin de réir líon na dtáillí innhuirir foghlaimora i leith an chláir, i mbandaí €500 agus incrimintí €500, agus is é an t-ainmneoir innhuirir d'aicme táille foghlaimora an teorainn táille foghlaimora innhuirir don aicme sin ionas go mbeidh cláir idir €1 agus €500

Is éard a bheidh i dtáillí foghlaimeora inmhuirir ná aicme €500, beidh cláir le €501 go €1,000 ina n-aicme €1,000, agus mar sin de sna comhréireanna céanna;

(3) Déanfar an muirear bliantúil iomlán is iníoctha i leith gach aicme cláir a ríomh tríd an ainmneoir aicme foghlaimeora inmhuirir a iolrú ar an ainmneoir aicme táille foghlaimeora inmhuirir, agus an toradh a roinnt ar 50.

6. Déanfar an muirear bliantúil is iníoctha i ndáil le gach clár oideachais Béarla faoi oibleagáid ceithre seachtaine nó níos lú a ríomh de réir aicme gach cláir mar seo a leanas:

(1) Aicmeofar cláir de réir líon na bhfoghlaimeoirí inmhuirearaithe i leith an chláir, i mbandaí 15 agus in incrimintí 15, agus is é an t-ainmneoir inmhuirearaithe aicme foghlaimeora an teorainn inmhuirearaithe foghlaimeora don aicme sin, ionas gur aicme 15 a bheidh i gcláir ina mbeidh foghlaimeoir inmhuirearaithe amháin go 15, is iad na cláir le 16 go 30 aicme 30, agus mar sin de sna comhréireanna céanna;

(2) Déanfar cláir a aicmiú freisin de réir líon na dtáillí inmhuirir foghlaimeora i leith an chláir, i mbandaí €200 agus incrimintí €200, agus is é an t-ainmneoir inmhuirir d'aicme táille foghlaimeora an teorainn táille foghlaimeora inmhuirir don aicme sin ionas gur aicme €200 a bheidh i gcláir le €1 go €200 inmhuirir d'fhoghlaimeoirí, €400 a bheidh i gcláir le €201 go €400, agus mar sin de sna comhréireanna céanna;

(3) Is é €25 an muirear bliantúil iomlán atá iníoctha i leith aicme clár le níos lú ná 16 fhoghlaimeoir inmhuirir agus níos lú ná €201 táillí foghlaimeora inmhuirir;

(4) Déanfar an muirear bliantúil iomlán is iníoctha i leith gach aicme cláir le 16 fhoghlaimeoir inmhuirir nó níos mó nó €200 nó níos mó táillí foghlaimeora inmhuirir a ríomh tríd an ainmneoir aicme foghlaimeora inmhuirir a iolrú ar an ainmneoir aicme táille foghlaimeora inmhuirir, agus an toradh a roinnt ar 500 agus slánú suas go dtí an 25 is gaire.

7. Déanfar an muirear bliantúil is iníoctha i ndáil le gach clár oideachais Béarla faoi oibleagáid a mhaireann níos mó ná ceithre seachtaine ach suas le 12 sheachtain agus an dá sheachtain sin san áireamh a ríomh de réir aicme gach cláir mar seo a leanas:

(1) Aicmeofar cláir de réir líon na bhfoghlaimeoirí inmhuirearaithe i leith an chláir, i mbandaí 15 agus in incrimintí 15, agus is é an t-ainmneoir inmhuirearaithe aicme foghlaimeora an teorainn inmhuirearaithe foghlaimeora don aicme sin, ionas gur aicme 15 a bheidh i gcláir ina mbeidh foghlaimeoir inmhuirearaithe amháin go 15, is iad na cláir le 16 go 30 aicme 30, agus mar sin de sna comhréireanna céanna;

(2) Déanfar cláir a aicmiú freisin de réir líon na dtáillí inmhuirir foghlaimeora i leith an chláir, i mbandaí €500 agus incrimintí €500, agus is é an t-ainmneoir inmhuirir d'aicme táille foghlaimeora an teorainn táille foghlaimeora inmhuirir don aicme sin ionas go mbeidh cláir idir €1 agus €1,000

Is éard a bheidh i dtáillí foghlaimeora inmhuirir ná aicme €1,000, beidh cláir le €1,001 go €1,500 ina n-aicme €1,500, agus mar sin de sna comhréireanna céanna;

(3) Is é €300 an muirear bliantúil iomlán a bheidh iníoctha i leith aicme clár le níos lú ná 16 fhoghlaimeoir inmhuirir agus níos lú ná €1,001 táillí foghlaimeora inmhuirir;

(4) Déanfar an muirear bliantúil iomlán is iníoctha i leith gach aicme cláir le 16 fhoghlaimeoir inmhuirir nó níos mó nó €1,500 nó níos mó táillí foghlaimeora inmhuirir a ríomh tríd an ainmneoir aicme foghlaimeora inmhuirir a iolrú ar an ainmneoir aicme táille foghlaimeora inmhuirir, agus an toradh a roinnt ar 50.

8. Déanfar an muirear bliantúil is iníoctha i ndáil le gach clár oideachais Béarla faoi oibleagáid a mhaireann níos mó ná 12 sheachtain a ríomh de réir aicme gach cláir mar seo a leanas:

(1) Aicmeofar cláir de réir líon na bhfoghlaimeoirí inmhuireachaithe i leith an chláir, i mbandaí 15 agus in incrimintí 15, agus is é an t-ainmneoir inmhuireachaithe aicme foghlaimeora an teorainn inmhuireachaithe foghlaimeora don aicme sin, ionas gur aicme 15 a bheidh i gcláir ina mbeidh foghlaimeoir inmhuireachaithe amháin go 15, is iad na cláir le 16 go 30 aicme 30, agus mar sin de sna comhréireanna céanna;

(2) Déanfar cláir a aicmiú freisin de réir líon na dtáillí inmhuirir foghlaimeora i leith an chláir, i mbandaí €1,000 agus incrimintí €1,000, agus is é an t-ainmneoir inmhuirir d'aicme táille foghlaimeora an teorainn táille foghlaimeora inmhuirir don aicme sin ionas go mbeidh cláir idir €1 agus €2,000 a bheidh i dtáillí inmhuirir foghlaimeora ná aicme €2,000, beidh cláir le €2,001 go €3,000 ina n-aicme €3,000, agus mar sin de sna comhréireanna céanna;

(3) Is é €1,200 an muirear bliantúil iomlán a bheidh iníoctha i leith aicme clár le níos lú ná 16 fhoghlaimeoir inmhuirir agus níos lú ná €2,001 táillí foghlaimeora inmhuirir;

(4) Déanfar an muirear bliantúil iomlán is iníoctha i leith gach aicme cláir le 16 fhoghlaimeoir inmhuirir nó níos mó nó €2,000 nó níos mó táillí foghlaimeora inmhuirir a ríomh tríd an ainmneoir aicme foghlaimeora inmhuirir a iolrú ar an ainmneoir aicme táille foghlaimeora inmhuirir, agus an toradh a roinnt ar 25.

9. Is éard a bheidh sa mhuirear bliantúil iomlán is iníoctha ag soláthraí faoi oibleagáid suim na muirear bliantúil is iníoctha i leith gach cláir arna sholáthar ag an soláthraí sin.

10. Mura n-íocfar an muirear bliantúil forordaithe ina iomláine faoin dáta dliteanais, is é a bheidh sa mhuirear breise is iníoctha leis an Údarás ag an soláthraí faoi oibleagáid 50% de mhéid an mhuirir bhliantúil atá gan íoc, móide méid arna ríomh tríd an ráta úis reachtúil um íocaíocht dhéanach a leagtar amach i Rialachán 5 de Rialacháin na gComhphobal Eorpach (Íoc Déanach in Idirbhearta Tráchtála) 2012 (I.R. Uimh. 580/2012) a chur i bhfeidhm ón dáta dliteanais. méid an mhuirir bhliantúil atá gan íoc.

11. (1) D'ainneoin aon fhorála eile sna Rialacháin seo, i gcás soláthraí faoi oibleagáid a leanann na socruithe dá dtagraítear in Alt 65A den Acht de bheith ann agus a leanann d'éifeacht a bheith leo, déanfaidh an muirear bliantúil is iníoctha ag an soláthraí faoi oibleagáid sin,

- (a) i ndáil le clár a choimircítear leis na comhshocraíochtaí sin, d'aon bhliain iomlán ina leanfaidh na comhshocraíochtaí sin d'éifeacht a bheith leo, a laghdú go hiomlán, agus
- (b) d'aon bhliain ina leanfaidh na comhshocraíochtaí sin d'éifeacht a bheith leo ar feadh cuid den bhliain sin, a laghdú i gcomhréir leis an méid laethanta den bhliain a raibh éifeacht aici ina leith.

(2) Scoirfidh an Rialachán seo d'éifeacht a bheith leis ar 3 bliana a bheith caite ón tosach feidhme iomchuí nó ar cibé dáta is luaithe ná sin a cheapfar le hordú arna dhéanamh ag an Aire faoi chuid 65A(4) den Acht.

ARNA THABHAIRT faoi mo Shéala Oifigiúil, 28 Lúnasa, 2024.

PATRICK O'DONOVAN,
An Roinn Breisoideachais agus Ardoideachais, Taighde, Nuálaíochta agus Eolaíochta.

NÓTA MÍNIÚCHÁIN

(Níl an nóta seo mar chuid den Ionstraim agus ní airbheartaíonn sé gur léiriú dlíthiúil é)

Forordaítear leis na Rialacháin seo méid an mhuirir bhliantúil atá le híoc ag gach soláthraí dá dtagraítear in Alt 65(1) den Acht um Cháilíochtaí agus Dearbhú Cáilíochta (Oideachas agus Oiliúint), 2012, dá ngairtear soláthraí faoi oibleagáid, ar mhaithe leis an gCiste um Chosaint Foghlaimoirí Rollaithe. Forordaítear an muirear bliantúil ar bhonn líon na gclár de chuid an tsoláthraí, agus líon na ndaoine inmhuirir ar na cláir sin.

